

永樂大典卷之三千一百四十八

九真

陳

陳博古

通川志徐良獨撰墓誌云公諱博古字守約家富于嘗兄弟皆治產業公獨慨然志於學舍法中公優等升貢邵守

朱公彥洛海山樓成公預坐獻詩曰門外海濤奔鐵騎檻前山背擁金甌
守大稱貢自是期公以必擢高科未幾果於政和五年何棄牒及第調處
州刑曹宣和中爲江州德化縣尉獲強盜轉從政郎建炎初從太守劉公
龍圖之辟爲本州司法潰兵張敵萬以兵圍城是時守戴遷治海門之崇
明鎮公攝郡事雖以力不敵城陷被執而公毅然不爲賊屈賊亦不能加
害於公太守部刺史莫不嘉公之有守召以名薦于朝改宣教郎知泰州
海陵縣時紹興五年也賊兵再犯淮保守有功轉奉議郎繼以磨勘轉承
議郎公之爲邑適承兵革之餘民俗凋瘵專以撫字爲意而郡守迫於軍
期科歛不時公累爭之一日以蓋營寨立命教廬席數以萬計公執不可
愈力守威怒震喝公自是辯辭不衆再宿而役二子以喪歸殯既久適有

一僧自鎮江焦山來訪尋其家且求公遺像而圖之詰其所以則云本寺主僧一夕夢迎伽蘭神問姓名則云前任海陵縣承議陳公主僧異其事故遺其圖畫公遺像而去二子棋提皆世其業棋累舉於禮部提亦爲一鄉之善士云

陳能千

建安志陳能千字勉仲浦城人蚤以行藝貢辟雍政和五年升上舍免試禮部故相何臬勝解褐授將仕郎江東提舉司屬官禮爲和州工曹改宣教郎除太學正未赴用顯謨閣直學士康執權薦對除通判湖州丁父憂服闋再倅宣州奉祠官至承議郎以致仕轉貢外郎

年五十七

陳起宗

蘇州府志陳起宗字興祖少入上庠踔厲有聲連冠多士諸公皆歆衽以避一日歸省屬同舍生爲投試卷起宗業禮記同舍族之輒易以周禮迫試乃告起宗遂用周禮試復第一登政和五年進士第四年三十七以徽猷閣學士知并州卒起宗善談辯詩篇灑落驚人有陶謝風韻備載家集

興起宗同年者錢觀復張柵也

陳汝楫

縣永豐鄉感化里曾祖陳珠故不仕祖彥嗣故不仕考穩贈

右朝請郎姚氏封安人公諱汝楫字濬夫政和八年上舍出身補官廸
功郎建州工曹掾屬官省不行調南劍州順昌主簿秩滿正權漳州司戶
參軍行長泰事代爲漳巖主簿丁內外憂終制升從政郎爲汴州司法參
軍未行改宣教郎轉奉議郎知汀州寧化縣丞追榮其夢以承事郎孺人
吾第四加至今官封而公自寧化罷歸歷承議朝奉朝散郎凡十年不調
晏如也年六十一以紹興二十三年三月二十六日終于家公自始爲疾
即使其弟爲奏上請得致仕即未報疾革召親戚常所往來者告語屬其
子而逝既尚書下公請事如章而公不起矣公在事以廉勤自約勅所至
有能聲爲大府部刺史所知事有他史所不能辦者皆以誨公公爲辦治
日以謹力在長泰直巖不收公力爲言得蠲田租什之三在漳巖尉老病
不任事以公代易會民余勝蘇居群黨攘攷爲姦公悉禽取寘之法民乃
安朝廷嘉錄其功改中都官而龍圖林公適守南劍翰林集公崇禮守漳
州嘗論薦之在寧化興學校治複屋聚饌于史氏群書以教其人始寧
化以武爲俗民不見義至是學者彬彬焉公自是歸杜門里閭非歲時慶

問未嘗出入閭巷諸公庠鄉人欽愛而仕者安之公亦自適恬不以進趨
干其意可謂善人君子矣而壽不遐於公猶焉有憾也公兩娶黃氏皆封
安人後安人左宣義郎致仕之女亦先公卒子男一人悅以公恩補將仕
郎女一人未笄熹先君子吏部府君與公同年進士也熹之來此不及拜
公矣公嗣子悅將葬公於某山之原以公行事投熹序次將以末志於作
者熹謝不能而其請不已既不得辭乃取所論墓誌著其大者如右時紹
興歲次乙亥人日左廸功郎衆
州同安縣主簿管學士朱熹狀

陳橐

宋史列傳陳橐字德應紹興餘姚人入太學有聲登政和上舍
第教授寧州以母老改台州士曹治獄平允更攝天台臨海黃
若三邑易越州新昌令皆以惺惺稱呂頤浩欲授爲御史約先一見橐曰
宰相用人乃使之呈身耶謝不往趙鼎李光交薦其才紹興二年五月召
對改秩六月除監察御史論事不合八月詔以宰邑有治行除江西運判
瑞昌令倚勢受賂橐首劾罷之期年所按以千數至有望風解印綬者以
母年高乞歸養詔橐善撫字移知台州有五邑嘗攝其三民懷惠愛越境
歡迎不數月稱治母喪邦人巷哭相率走行在所者千餘人請起橐詔橐

清謹不擾治狀著聞其牧所在州賜錢三十萬索力辭上謂近臣曰陳索
有古循吏風綏夷以司勳郎中召累遷權刑部侍郎時秦檜力主和議索
疏謂金人多詐和不可信且二聖遠狩沙漠百姓肝腦塗地天下痛心疾
首今天意既回兵勢漸集乘時掃清以雪國耻否亦當按兵嚴備審勢
而動舍此不為乃遽講和何以繫中原之望既而金有所遷議又不決
將再遣使索復言金每挾講和以售其姦謀論者因其廢劉豫又還河南
地遂謂其有意於和臣以為不然且金之立豫蓋欲自為捍蔽使之南窺
豫每犯順車皆敗北金知不足恃從而廢之豈為我哉河南之地欲付之
他人則必以豫為戒故捐以歸我往歲金書嘗謂歲幣多寡聽我所裁曾
未淹歲反覆如此且割地通和則彼此各守封疆可也而同州之橋至今
存焉蓋金非可以義交而信結恐其假和好之說賄謬悠之辭包藏禍心
變出不測願深鑒前轍亦嚴戰守之備使人人教厲常若寇至苟使遵和
則吾之振饒武備不害為立國之常如其不然決意恢復之圖勿循私曲
之說天意允協人心響應一舉以成大勲則梓宮太后可還祖宗疆土可
復矣檜賊之案因力請去未幾金果渝盟除徽猷閣待制知韻昌府時河
南新疆初復無敢往者索即日就道次壽春則頓已不守改處州又改廣

州兵興後廣東盜賊無寧歲十年九易牧守案盡革弊政以思先之留鎮
三年民夷悅服物朝廷移韓京一軍屯循州會都寇駱科犯廣西詔遣京
討之素奏廣東累年困於寇賊自京移屯敵稍知畏令悉軍赴廣西則廣
東危矣檜以素爲京地坐稽留機事降秩屢上章告老改發州請不已遂
致事又十二年以疾卒于家年六十六素博學剛介不事產業先世田廬
悉推予兄弟在廣積年四方聘幣一不入私室既謝事歸判中僑寓僧寺
日雜以食蒙之泰然王十朋爲風土賦論近世會稽人物曰杜祁公之後有陳德應云

見年譜傳

陳湜

清潭志陳湜龍溪人政和間嘗有牙媼遺珠於其門莫記其所

久之媼造其門四顧若有所物色公呼問之媼曰昔遺珠爲主
迫取雖市屋鬻女度不能償公曰第言其狀當爲汝訪求之媼以實告公
全歸之媼驚喜呼爲父拜謝而去里有喪多假婦女首飾繪綵器皿以事
莊嚴有遺白金器者公因往吊見而拾之篋問事者器皿有遺否事者
數人方倉皇求之未得公即出於袖中歸之鄉人誅歎不已公嘗夢人告
之曰汝壽終七十二後享壽八十
四蓋陰德之報也

見教後天錄記

陳大謀

清澤志陳大謀龍溪人登政和第特科授之子歷任之廣東提舉學餘初與其弟大誥大訥同時舉貢守黃岡衆送

特爲一詩以美之有政和天子丙申年兄弟三人同得仙之句鄉人榮之

陳熙

臨安郡續誌陳熙字煥然臨印人政和間游太學三預薦送以特恩廷試釋褐授迪功郎監蜀州永康茶稅再調主雙流簿紹

興初大將宿兵蜀口發東西州民轉粟給軍民力疲弊死於道者相枕藉部使者檄公代縣今部運至洛上既至則又檄以至軍前諸縣規實電勉爭進公曰民病矣安可復驅以至遠爲民得罪且不恨遂委粟於洛救散民丁庸還任即致其仕以歸特恩加承事郎賜品服優游家居自號磻石居士晚好煉丹之術呂仙翁嘗訪之

陳九齡

宋馮鑑雲先生集和州通判陳公墓誌銘公諱九齡字壽翁本陳宗室文帝封璿爲安成侯於公蓋十三世祖璿生

薛嗣侯從主入隋居長安薛生愿生允文允文生處仁處仁生拱爲唐中武節度使拱生成之守同州成之生擢卿爲昭宗名拾遺未滿歲辭入

維氏山成子孫無出仕。雅卿生際慶。餘慶生雅。猶守祖訓。有隱德。晏元獻公力薦於朝。比三召乃出授御史。東行即公曾祖也。祖文政。徙居華州之蒲城。父子從元豐中與兄都水監主簿子雅上書論新法得罪。公生十年而父母俱喪。能以學行自立。立再貢禮部。再然留太學十年。游益廣。學益成。文益不合。有司宣和六年以恩授濟州文學。調水洛城主簿。改懷德軍司刑曹事。靖康入蜀。授成都靈泉安仁二縣主簿。監眉州酒務。改右宣義郎。除通判和州。未赴。卒。享年六十。有六實。紹興二十一年六月十六日也。臨終却粒飲水三日。沐浴衣冠。精爽如平時。囑家人居喪祭享遵用古禮。毋為佛事。娶潘氏。生男漢傑。以軍功授承信郎。再娶張氏。生男邦傑。以宰相薦。經術精通。論事切直。授右迪功郎。湖廣江西京西路總領司准備差遣。父邦華適進士充吾再娶俞氏。生男度傑。早卒。朝傑應進士舉。女淑適宗子伯瑾。舜英未笄。孫男觀復。女二人。漢傑等將以紹興二十五年十一月二十五日葬公于嘉州峨嵋山之麓。邦傑以果嘗與公同僚。知公泣拜請銘其幽穴。夫國朝以五舉恩待遺逸。其人皆老故。僊起百為一日。誤以事宜練達絕少年諸生有足觀。米然而寂無聞。豈其晚慕清氣。重以時俗儉易。遂落寞以盡。使真有所蓄積。出必大肆。老且更壯。若是者。何其疎闊也。惟公

剛介之節深樹本根不爲得喪壯老慟憾遇事精魄健銳顧出處平得意上數等人亦不敢視以毫億必敬畏信服嘗攝安仁縣事於時丞相張公富公其外家戚屬憐公不敢毫髮出形勢犯教令節制軍馬王彥常因公故人強牽挽致幕下公不得已一至劍門即棄去總領財賦趙開自謂心計精密比劉晏聞公疏列取子利病不覺夫驚起立然公出忠恕竟皆馳眉州酒務不法檄公按驗至則不鞠其贓獨以適負上趙公不悅即令公代所換重困棄之公縱舊官補以通額十萬長聲流聞比滿猶得子錢七十萬四倍帝數復得貳和州使因出東南見鄉宰必有遇合不幸以死可悲也夫銘曰學以今故不售志以位故不究惟豐其廩而畜其施所以昌其後者邪

陳璟

宋楊誠齋集西和州陳史君墓誌銘君諱公璟師宋其字陳其姓新蔡人也今居東之宜春曾出奔後魏滿朝奉郎守司農少

卿贈銀青光祿大夫武者其曾祖朝請大夫贈金紫光祿大夫之統者其祖朝請大夫贈正議大夫并者其考贈碩人晁氏贈宜人徐氏者其妣也君某氏出也以父任歷鄂之蒲圻韶之曲江主簿澧州司理參軍未赴丁母憂除長爲賴之會昌令又爲靜江府義寧令以薦者改宣化郎知筠州

高安縣通判德安府知州西和州未赴西和請為祠宮改主管建昌軍
仙都觀辛年六十四終官朝散大夫君在蒲圻適武昌軍壘曾葺廬發
諸縣屬役它邑良擾獨君所即工取佛老之廢宮以為材僦市井之庸保
以為使不日而成卒乘交賀而田里周覺嘉魚缺令諸部使者徵君攝之
邑之地卑背江面湖每歲桃花水主環邑之境匯為巨澤亘數百里三邑
之民不可以稼政和間唐令蔡萬頃隄以郵之隄潰四十平莫之能復君
率乃僚行視故跡荒度地勢於是徙廣就隄舍舊相新距故隄三百舉武
因兩山之阨猛外水之咽發耕者七百人治之勞費勸相勉以久利董以
大家三旬而隄成截若齊虹隱若金城連巖大讓民厭魚稻民歌之曰馮
夷不仁兮奄吾時以為湫天惠陳侯兮涸彼湫以為疇黃雲兮被野后稷
欣欣兮東白雲而來下一飯兮祝侯與大椿兮相永乎春秋總領王公矣
間而薦之後為樞使又薦之君在會昌屬摘山之盜突入贛境張甚君首
揭格外賞募猛士以蠶狐為前鋒盜退大守侍郎陳公天麟未其績以父
憂去義寧地雜蠻漢崇山複嶺商旅道斷而官自蠻鹽庸散之縣縣散之
鄉故事皆強民售之君為設場聽民自售罔不呼舞漢蠻間發衆以大盜
師旅之後加以年飢君專意撫字民用昭蘇蠻有吳其姓者點而勇陰瞞

群醜時聞漢疆君以策縛致麾下諸酋出謝君勞饗之諭以忠孝開以福
駝感悅而去一境寧謐帥劉惔潯梁安世合章薦之宜州蠻叛帥王卿月
招君議事遣往攝守君遜不敢當而條上平蠻方略卿月用之蠻沱平定
高安茶租挈重君痛節百費以它賦之贏代民輸之民力頌寃政聲藉甚
冠冕一路太守侍郎俞公檄首薦之萬里相繼假守亦薦之君秩滿造朝
萬里祇召繼至復薦於朝而君已詣銓曹署德安郡丞矣有旨理為中書
除命時戎帥兼知德安政用戎素薦擊毛擊覲民細事以神其明道路以
目君每事盡規橫政小靈復州缺守諸部使者列于朝請以君攝凡五閱
月作水樓以代民兵之役嚴邊備以激義勇之士提舉尚書張公孝伯漕
使劉立義提刑張瑛交章薦之辰蠻叛帥樞使王公蘭檄君議事將辟為
真守君復遜不敢當而條上平蠻方略君凡再辭辟即談者高之君至開
州治賦不擾而裕聽訟不察而明暮年而治民氣和樂迨暇訪求唐刺史
柳公綽章屢厚之遺跡而追和其詩句峽中爭傳之有嘉禾一莖九穗生
其境內部使者表其事以為君之異政所致制帥龍學尚書劉公德秀率
茶使王某同薦之給事程公叔建中書舍人陳公居仁亦屢薦之前後舉
者二十餘人既歸自蜀意已倦飛得請祠宮超然自得悠然自放迺築池

館廼藝松竹芳晨滕日策杖孤往詩狂酒聖胥命同社團翁溪友所至寧
席往往登山臨水吟風弄月窮日之力至夕忘返嘉泰二年十一月朔子
孫方羅拜稱賀君忽慨然曰吾其歸乎皆問曰翁既歸矣又將焉歸君笑
而不答後五日風興焚香立而逝云娶駱氏寶王之裔也封宜人前一年
卒二子元勳從政郎前道州軍事判官元老將士即後君數月卒四女長
適進士馮百藥次適文林郎泉州觀察推官孟寬皆前卒次許武德郎賴
州正將夏用中之子允德次許進士易光廷之子孫男二人衍衛治命以
納祿之澤秦楠衛孫女二人居幼君邑粹氣溫表裏如一可愛可親至淮
官謹度遇事必為凜不可奪然睦家庭篤親族上信誼下勢利聞人一事
若已有之見人急難若身逢焉尤為龍學尚書劉公所知公師長沙道宜
卷聞君之喪親臨弔焉哭之慟越之淫撫存其孤意惻惻也元勳將襄君
大事以夫人駱氏附焉淑之玄夫重告曰其歲癸亥其月辛酉其日丙申
茲謂良辰縣曰宜春辨曰信義里曰德成原曰紹石茲謂良宅迺走一驛
持李監獄逢原所書官簿求請銘銘曰世罔能吏何以立我事我事未立
我民已泣世之患人何以字我民我民弗字彼姦蒙仁有堦陳君周臨不春
有惠之政無惠之病有能之能無能之稱謂無知已薦累其貶謂不逢時

手兩其麾俾或克壽可量厥就未就
而姜何司爲斯爲君問天天且弗知

陳紹

宋陳止齋集族叔祖元繼擴誌維陳氏自福之長溪縣觀儒鄉
權秀里徙溫州瑞安縣阮遊鄉園長里譜凡七世傳良生晚猶

及諸祖父行皆學重不察察大人也有君諱紹字元繼於祖行較少傳良
後集夫人善助之日以酒肉飲食人時出嬉遊冬歲必爲具燕少長至
僕不遺其用度如不節而家營倍於疇昔唐君生崇寧二年卒於乾道二
年十月丙戌夫人生元符元年卒於淳熙十三年二月丁卯府君以淳熙
五年十二月丙申葬於所居里西尖之麓至慶元二年十二月庚申而夫
人附二子宏中定中女適劉宋獨來克明謝邦基孫男四人說宗濬宗洙
宗汾說早卒宗洙爲兄之子方中後濬洙皆國子進士女一人傳良諸孫也

陳一鳴

宋史浩鄮峯真隱漫錄福唐陳君時可墓表 重和元年
二月進士陳君諱一鳴字時可年四十一以疾終于寢宣

和二年正月葬于其鄉福州侯官縣董平山祖塋之側紹興二十八年十
一月上郊園丘男踞通籍于朝始贈君右承事郎於是踞持左迪功郎南

劍州司戶參軍黃謙狀來請職將以石表於墓下予與諤嘗同僚義不可
辭則以狀實叙次之謹按君曾祖象舉贈金紫光祿大夫祖褒父萬夫皆
隱德弗仕自君叔祖侍讀樞密直學士襄以正直鯁亮受裕陵知時大臣
既更新法皆進者合一辭和之學士公首言青苗不便及薦司馬溫文正
公等三十三人皆弗合大臣意官用不大顯其後所薦三十三人者相繼
登宰輔或爲名卿才大夫人曰陳公之舉不凡矣今天子即位得其薦疏
遺藁以告天下舉士其以陳某爲法由是福唐之陳益以鼎鼎甲天下承
光緒潤實始有君君於是生六十日而孤自幼已自立不與俗浮沉崇寧
大觀間用事者方以老莊清談放蕩之說表裏王氏新義至春秋聖人之
作反禁不用君慨然即侍讀公舊居安德之僧舍葺讀書堂取五經及春
秋諸傳百家子史日誦吟不絕口久之盡通其義出從多士輒覲然居上
游然率用所學背時不在甲乙第議者謂君與侍讀公雖出處殊致至所
向不苟合實若符契云安知君得志風烈議論不隱然與前人齊而尚止
於斯乎君娶郡人吳氏千里之曾孫思之孫介夫之女笄而拜舊於廟奉
其姑于堂絜嘗晚甘祀禮且時凡君之行著于鄉聞于家人親戚故舊之
者得所濟而後生者得所矜式皆吳氏之助吳氏得年四十八後公七年

宣和六年正月卒靖康元年十二月二十四日從君之兆而寔以謬故贈
孺人生一男諤也四女人適許昌言黃俊民連景先幼爲尼三孫男翰餘
朝三孫女皆幼初君之沒也侍讀公之子中散某悼念不忘有命以遺表
恩奏謬今爲右通直郎新通判興化軍事所至有能聲予知陳氏之積其
來有原其後有承而其興未有既也寵靈蔭至將拱而可侍若
夫族系之所來載之侍讀公之譜之傳且有家集在得不復云

陳堯臣

王明清揮塵錄宣和初徽宗有意征遼蔡元長鄭達夫不
以爲然童貫初亦不敢領畧惟王黼蔡攸將順贊成之有

謀者云天祚貌有亡國之相班列中或有言陳堯臣者婺州人善丹青精
人倫登科爲畫學正黼闕之甚喜薦其人于上令御命以視之擢水部員
外郎假尚書以將使事堯臣即挾畫學生二負俱行畫以道中所歷形勢
向背且繪天祚像以歸入對即云虜主望之不似人君臣謹寫其容以進
君以相法言之亡在旦夕幸速進兵亟弱攻昧此其時也并圖其山川險
易以上上大喜即擢堯臣左司諫賜予鉅萬燕雲之役遂決時堯臣方三
十三歲遷至侍御史會蔡元長復將預政事黼誅堯臣望風上疏以元長
前日不合人情狀攻之初榜朝堂然上猶眷元長黼堯臣爲萬州監稅而

元長竟不告是克臣寢是行黷敗克臣亦遭斥建夫中監察御史李家疏
其爲黷鷹犬誤國之罪始詔陳其名稱秦檜之主泮高密克臣以滄州務
曹同爲京東漕司武官因以甚厚會之擅國遂盡復故官雖不敢用招之
武林每延至相府款密敘舊克臣以前所錫萬金築園亭于西湖之上極
其雄麗今所謂陳侍御花園是也會之沮洳致速爲御史欲露臺評而周
爲高方崇克臣之妻兄致遠之腹心力回護之遂免克臣以壽終李仁父長
編載胡文修繳其祠命之章尤摘其姦其嗣想爲高作行狀以蓋前跡爲
高後亦悔之會建炎時前御史敢於國門外建第以此可見爲高之子郾
云克臣子倚今爲卿武陵新志明清揮麈後錄載周郾所記陳克臣決伐
燕之策蓋出於天下公論而克臣之子倚以財推行郾張全真睿政日載
真偽作一積可以但作全真文字近覽李仁甫長編云紹興元年正月四
日辛丑中書舍人胡文脩言人臣之罪莫大於誤國自古誤國之禍莫大
於燕雲之役者燕山謀首與夫用事之臣大者誅戮次者流放而陳克臣
者獨仍舊故秩廩食縣官置而不治豈所以上慰宗社之神靈四方之痛
憤哉克臣爲國召亂不知罪惡之重乃敢自引於乞爲郡守今雖爲官祠
叨切食祿臣愚伏望睿旨削奪克臣在身官爵投竄避方以懲其惡以謝

生靈爲後世臣子誤國之戒詔堯臣主管臨安府洞霄宮旨揮更不施行書之于編蓋知鄉之言不厚誣且非明清之私意事見長編第一百五十九注後閔中興日曆宰執奏乞行遷責高宗云豈可以因乞差遣反遭貶邪止罷祠焉

陳懿

宋許景衡橫塘集陳通直墓誌銘陳公諱懿字公美温州平陽人曾祖諱某祖諱某父諱某公美慈順謹飭遇人歡然無間人

亦爲之傾蓋凡無子或勸其求嗣續曰吾弟孝友即我死尚憂身後乎公美事寡嫂彌謹撫其二女皆得所歸常曰吾早孤而寡不及學問幸有子庶幾成吾志手抄群書授之早夜課其誦讀稍長俾從師營其資給艱甚而無厭怠色未幾其子補以上舍生擢甲科聲稱翕然歷官太學秘書省每退食侍側必問所讀者何書所游者何人所討論者何等典故補具以對曰毋忘學毋友非其人蓋友所以輔學也吾聞某人某人賢者亦嘗從之游乎故凡補所與往還多名人其操履醞藉尤爲賢士大夫所推許蓋有所授之也公美以其子之恩四封爲通直即致仕年若干宣和二年五月甲子以疾卒于京師明年某月甲子葬于福州長溪縣某鄉廣化寺之後山孺人某氏同邑人生二男子長即補也以承議郎行秘書省著作佐